

Na temelju člana 17. Zakona o igrama na sreću FBiH ("Službene novine FBiH" broj: 48/15 i 60/15) Direktor društva Proizvodnja i trgovina "Pharmamed" d.o.o. Travnik, dana 1.9.2016. godine donosi slijedeća

PRAVILA NAGRADNE IGRE

Član 1 – Naziv i sjedište Organizatora Nagradne igre

Organizator nagradne igre „*PRAVILNO OBOJI, NAGRADU OSVOJI*” je Pharmamed d.o.o. Dolac na Lašvi bb, 72270 Travnik, PDV broj: 236008110008.

Član 2 – Naziv i opis Nagradne igre

Naziv Nagradne igre je „*PRAVILNO OBOJI, NAGRADU OSVOJI*”. Svi kupci Rolly multivitaminskog sirupa mogu ostvariti pravo na sudjelovanje u Nagradnoj igri na slijedeći način:

Svaki kupac Rolly multivitaminskog sirupa, u kartonskoj ambalaži uz uputstvo za upotrebu pronalazi i Rolly bojanku. Rolly bojanka sadrži crtež koji je namijenjen djeci. Nakon što dijete oboji crtež na način kako je prikazano, potrebno je čitko popuniti podatke na predviđenom mjestu i zajedno sa obojenim crtežom poslati na adresu:

Dolac na Lašvi bb, 72270 Travnik, Bosna i Hercegovina.
sa naznakom za nagradnu igru „„PRAVILNO OBOJI, NAGRADU OSVOJI”“.

Na ovaj način kupac sudjeluje u nagradnom izvlačenju.

Član 3 - Vrijeme i teritorij odvijanja Nagradne igre

Nagradna igra počinje 15.9.2016. godine i završava 15.02.2017. godine, a odvija se na teritoriju cijele Bosne i Hercegovine.

Član 4 – Svrha Nagradne igre

Svrha Nagradne igre je promocija i unapređenje prodaje brenda i proizvoda „*Rolly multivitaminski sirup*“, kao i promocija kompanije Pharmamed d.o.o. Travnik.

Član 5 – Uslovi za sudjelovanje u Nagradnoj igri

Pravo na sudjelovanje u Nagradnoj igri mogu ostvariti svi državljani Bosne i Hercegovine sa stalnim prebivalištem u zemlji. Pravo na sudjelovanje nemaju osobe zaposlene kod Organizatora kao i njihovi najbliži članovi porodice/obitelji.

Dobitnici će biti obavješteni od strane organizatora o nagradi koja im pripada kao i o načinu preuzimanja nagrade.

Svaki sudionik u igri može poslati neograničen broj omotnica sa potrebnim sadržajem. Svaka omotnica koja bude izvučena kao dobitnik nagrade neće biti vraćena u bubanj. Svaka omotnica koja ne bude izvučena ostaje u bubnju i zajedno sa novim pristiglim omotnicama učestvovalaće u izvlačenju slijedećeg mjeseca.

Član 6 – Nagradni fond

Nagradni fond se sastoji od:

Nagrada	Vrijednost s PDV - om	Količina	Ukupno
<i>*Romobil za djecu od 5 - 12 godina</i>	235	15	3525
<i>Rucksack Scootersaurus</i>	38	25	950
<i>Pharmamed poklon paket</i>	21	25	525

Ukupno 5000

**Organizator ne preuzima bilo kakvu odgovornost za ozljede, bolesti i/ili bilo kakve štete vezane za korištenje romobila.*

Član 7 – Objava pravila Nagradne igre

Ova Pravila će biti objavljena u dnevnim listovima koja izlaze na području održavanja Nagradne igre i to najmanje sedam dana prije početka nagradne igre.

Pravila će također biti objavljena na web stranici www.pharmamed.ba i www.rolly.ba

Datum objavljivanja uslovljen je datumom dobijanja odobrenja za organizovanje nagradne igre od strane nadležnih organa.

Član 8 – Izvlačenje dobitnika

Sve propisno ispunjene prijave i obojene Rolly bojanke, odnosno propisano ispunjeni obrasci sa ličnim podacima iz člana 5. ovih Pravila, sudjelovat će u nagradnom izvlačenju koja će se održavati svakog prvog ponedjeljka u mjesecu za vrijeme trajanja nagradne igre, s tim da će prvo izvlačenje biti održano 07.11.2016. u sjedištu organizatora na adresi Dolac na Lašvi bb, 72270 Travnik.

Dobitnici će biti izvučeni metodom slučajnog odabira. Izvlačenje će nadgledati tročlana komisija koju imenuje Organizator u smislu odredbe stava 5. ovoga člana.

Organizator ostavlja mogućnost da komisija po potrebi bude proširena sa dodatnim članom.

Tokom izvlačenja dobitnika nagrade sačinat će se zapisnik koji će sadržavati ime i prezime te adresu dobitnika uz provjeru ispunjenja uslova iz Člana 5.

Član 9 – Objava imena dobitnika i preuzimanje nagrada

Svi sretni dobitnici nagrada biti će kontaktirani od strane organizatora putem kontakt podataka učesnika koji su stavljeni na uvid organizatoru u smislu odredbe člana 5. ovih Pravila.

Nagrada će biti uručena samo ako dobitnik ima pravo da sudjeluje i ako u potpunosti prihvća ova Pravila. Ako izvučeni dobitnik nema pravo na učešće, izvlači se novi dobitnik.

Organizator će spisak dobitnika objaviti u roku od 7 dana nakon nagradnog izvlačenja na web stranici www.pharmamed.ba i www.rolly.ba.

Nagrade će organizator uručiti dobitnicima u roku od 30 dana od dana izvlačenja putem svojih dostavnih vozila.

U slučaju da organizator u roku iz prethodnog stava ne uspije kontaktirati dobitnika nagrade, ista se prenosi u nagradni fond za slijedeći mjesec.

Član 10 – Obaveze dobitnika

Sudjelovanjem u ovoj Nagradnoj igri učesnici u cjelosti prihvataju gore navedena pravila.

Sretni dobitnici nemaju pravo prenositi nagradu na treća lica. Dobitnici svih nagrada nemaju pravo tražiti zamjenu nagrade za neku drugu vrstu nagrade, a naročito ne isplatu novčane protuvrijednosti osvojene nagrade.

Dobitnici nagrada pružit će sve informacije i dokumente potrebne da bi se mogla primijeniti Pravila i ostali odgovarajući zakoni.

Učešćem u nagradnoj igri, učesnik pristaje da bude kontaktiran od strane organizatora u cilju informisanja i dogovaranja oko preuzimanja nagrade.

Učešćem u nagradnoj igri, učesnik pristaje da, u slučaju osvajanja neke od nagrada, njegovo ime i prezime, koje će saopštiti i dokumentirati organizatoru, kao i fotografija sa uručenja nagrade budu objavljeni na web stranici www.pharmamed.ba i www.rolly.ba, te u ostalim printanim i/ili elektronskim medijima po odluci organizatora.

Dobitnik nagrade je dužan dati sve potrebne informacije, kontakt osobi Organizatora nagradne igre.

Sve prijave za učešće koje se u smislu odredbe člana 5. ovog Pravilnika dostave organizatoru do zadnjeg dana u mjesecu, sudjeluju u nagradnoj igri za taj mjesec, ostale pošiljke koje pristignu iza navedenog roka učestvuju u Nagradnoj igri za slijedeći mjesec.

Član 11 – Mogućnost otkazivanja Nagradne igre

Organizator Nagradne igre zadržava pravo odgode ili prekida iste u slučaju nepredviđenih okolnosti u vrijeme odvijanja Nagradne igre, te u slučaju više sile.

Član 12 – Nadležni sud

U slučaju spora, nadležan je Općinski sud u Travniku.

U Travniku, septembar 2016.

Pharmamed d.o.o. Travnik
Dolac na Lašvi 72270, Travnik
Bosna i Herecegovina

Direktor
Sanjin Kotlica